



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

Broj: T20 0 KT RZ 000668 07  
Sarajevo, 11.12.2023. godine

SUDIJI ZA PRETHODNO SASLUŠANJE  
SUDA BOSNE I HERCEGOVINE  
SARAJEVO

Na osnovu člana 35. stav 2. tačke i) i člana 226. stav 1. Zakona o krivičnom postupku Bosne i Hercegovine, podižem:

О П Т У Ж Н И Ц У

Protiv:

1. **Majstorović Živojina,** [REDACTED] rođenog [REDACTED] 1948. godine u Vlasenici, [REDACTED] državljanina BiH, [REDACTED]
2. **Dubočanin Radenka,** [REDACTED] rođenog [REDACTED] 1971. godine u Vlasenici, [REDACTED] državljanina BiH, [REDACTED]
3. **Savić Radosava,** [REDACTED] rođenog [REDACTED] 1964. godine u Vlasenici, [REDACTED] državljanina BiH, [REDACTED]

## Što su:

U periodu od aprila 1992. godine do kraja septembra 1992. godine u opštini Vlasenica, za vrijeme oružanog sukoba u Republici Bosni i Hercegovini, u okviru širokog i sistematičnog napada vojske i policije kao pripadnika Teritorijalne odbrane Vlasenica, a kasnije Vojske Srpske Republike Bosne i Hercegovine, potpomognute paravojnih formacijama koje su dolazili iz Srbije, usmjerenog protiv nesrpskog civilnog stanovništva na području opštine Vlasenica, znajući za taj napad i da njihove radnje čine dio napada, učestvovali u progonu civilnog bošnjačkog stanovništva na području opštine Vlasenica i regije SAO Birač, pri čemu je na stotine civila ubijeno, mučeno, premlaćivano, nezakonito lišavano slobode, zatvarano i držano u nehumanim uslovima, pa prisilno premještanu van teritorija opštine Vlasenica, a sve na nacionalnoj i vjerskoj osnovi, u vezi sa ubistvima, zatvaranjem ili drugo teško oduzimanje fizičke slobode, suprotno osnovnim pravilima međunarodnog prava, drugim nečovječnim djelima slične prirode, učinjena u namjeri, nanošenja velike patnje ili ozbiljne fizičke ili psihičke povrede ili narušenja zdravlja i samovoljnim i vojnim potrebama, neopravdanim uništavanjem imovine i prisvajanjem imovine u velikim rezmjerama, na način da su:

Dana 02.06.1992. godine ili približno tog datuma, u jutarnjim časovima, obučeni u maskirne uniforme sa čarapama na glavi naoružani automatskim puškama, na području sela Drum, Alihodžići, Pijuci, Đamđići, Gradina općine Vlasenica, potpomognuti artiljeriskim djelovanjem jedinica Novosadskog korpusa JNA, zajedno sa više NN uniformisanih i naoružanih vojnika, izvršili napad na nenaoružane civile bošnjačke nacionalnosti, koji nisu pružali nikakav otpor, otvarali vatru po civilima i objektima pucajući pojedinačnom i rafalnom paljbom iz automatskih pušaka i drugog naoružanja, po kućama i objektima, palili objekte i na drugi način ih uništavali a u selu Durići u kući ubili [REDACTED], pa u strahu za svoju sigurnost mještani tih sela zatražili sklonište u obližnjoj šumi zv. Hobera, gdje su se skrivali, a na koje su pucali iz automatskog oružja, pa kada im se [REDACTED] glasno obratila, pozivajući ih da prestanu s pucanjem, govoreći da pobiše žene i djecu, nastavili pucati u njihovom pravcu, usljed kojih hitaca je pogođena mladb. [REDACTED] i [REDACTED] kao i njihova majka [REDACTED], koja je pokušala pomoći svojoj pogođenoj kćerci [REDACTED], tada joj prišao osumnjičeni Dubovčanin Radenko zv. „Rade“ s uperenim oružjem, naredio da baci sve iz ruku i stavi ruke na potiljak i pođe prema odredištu, nedozvolivši joj da pruži pomoć svojoj kćerci koja je od zadobijenih povreda preminula, tako pucajući ubili: [REDACTED]

[REDACTED] a zatim pod prijetnjom oružja, naredili da idu putem ispred njih prema mjestima koja su bila određena kao sabirališta, što su ovi i učinili, gdje im je oduzet novac i zlato, a potom izvršeno razdvajanje muškaraca od žena i djece, a određen broj zarobljenih civila, među kojima [REDACTED] prebačeni u logor Sušica i Policisku stanicu Vlasenica, dok su [REDACTED] odvedeni u nepoznatom pravcu od kada im se gubi svaki trag i nikada nisu pronađeni.



Dakle, u okviru širokog i sistematičnog napada usmjerenog protiv civilnog stanovništva na području opštine Vlasenica, znajući za takav napad i da njihove radnje čine dio tog napada, učestvovali u progonu bošnjačkog civilnog stanovništva na nacionalnoj i vjerskoj osnovi, u vezi sa ubistvom, drugim teškim oduzimanjem fizičke slobode, suprotno osnovnim pravilima međunarodnog prava, drugim nečovječnim djelima slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja i protupravnim, samovoljnim i vojnim potrebama, neopravdanim uništavanjem i prisvajanjem imovine u velikim razmjerama,

**Čime su osumnjičeni počinili krivično djelo zločini protiv čovječnosti iz člana 172. stav 1. tačka h) Krivičnog zakona Bosne i Hercegovine u vezi sa tačkom a).c).e). h). i i). u vezi sa članom 29. Krivičnog zakona Bosne i Hercegovine i člana 180 st.1. KZ BiH.**

**TUŽILAC  
TUŽILAŠTVA/TUŽITELJSTVA BiH**